

ORDENANZA REGULADORA DO IMPOSTO SOBRE ACTIVIDADES ECONÓMICAS

Artigo 1.- Fundamento.-

O Concello de Xove, de conformidade co número 2 do artigo 15, o apartado b) do número 1 do artigo 59 e os artigos 84 e 86 do R.D. Lexislativo 2/2004 de 5 de marzo, Texto Refundido da Lei Reguladora das Facendas Locais, fai uso da facultade que lle confire ó mesmo en orde á fixación dos elementos necesarios para a determinación das cotas tributarias do Imposto sobre Actividades Económicas cuxa exacción rexirásese ademais polo disposto na presente Ordenanza Fiscal.

Artigo 2.- Coeficiente de situación.-

Os efectos previstos no artigo 86 do R.D.L. 2/2004, de 5 de marzo as vías públicas deste Concello clasifícanse en tres categorías fiscais.

Anexo a esta Ordenanza Fiscal figura o índice alfabético das vías públicas con expresión da categoría fiscal que corresponde a cada unha delas.

1. As vías públicas que non aparezan sinaladas no índice alfabético antes sinalado serán consideradas de terceira categoría e quedarán en dita clasificación ata que o Pleno da Corporación aprobe a categoría fiscal correspondente e proceda á súa inclusión no índice alfabético de vías públicas.
2. Sobre as cotas incrementadas por aplicación do coeficiente de ponderación sinalado no artigo 86 do R.D.L. 2/2004 de 5 de marzo e atendendo a categoría fiscal de vía pública onde radica fisicamente o local no que se realiza actividade económica establécese a táboa de coeficiente seguinte:
 - Categoría 1ª. Coeficiente de situación: 3,05.
 - Categoría 2ª. Coeficiente de situación: 2,95.
 - Categoría 3ª. Coeficiente de situación: 2,85.
3. O coeficiente aplicable a calquera local ven determinado polo correspondente á categoría da rúa onde teña sinalado o número de policía ou no seu defecto onde estea situado o acceso principal.

Disposición final.-

A presente ordenanza entrará en vigor o mesmo día da súa publicación no Boletín Oficial da Provincia e comezará a aplicarse o 1 de xaneiro de 2005, permanecendo en vigor ata a súa modificación ou derogación expresa.”

ANEXO

Clasificación de zonas e rúas a efectos da aplicación do artigo 2 da presente Ordenanza Fiscal do Imposto de Actividades Económicas.

Zona ou rúa	Categoría	Coeficiente
Avda. Diputación Camiño Real Rúa de Acceso ó Grupo escolar ata cruce con Camiño Real desde Avda. Diputación Rúa de nova apertura en Vivendas Sociais desde Avda. Diputación ata prolongación do Camiño Real Acceso campo fútbol Acceso Grupo Escolar Acceso Apeadero Rúa Camiño Real-Agramonte Carretera de Morás Carretera Xove-Palmeiro Carretera de Morás-Rúa Generosa Villalba Rúa Generosa Villalba Rúa Lavandeiras Rúa Nosa Señora do Carme Rúa Pumariño Rúas de Urbanización Palmeiro Parque Empresarial de Camba Solo industrial de Lago Rúas do Polígono Xove B Outros solos industriais	1ª	3,05
Resto do Concello	2ª	2,95
	3ª	2,85